



續藏書卷五目錄

遜國名臣

遜國名臣記

文皇帝荅李景隆書

遜國名臣紀序

齊太

黃子澄

練子寧

附 蕭用道

遜國名臣

卷五目錄

力孝孺

張昺

葛誠

湯宗

余逢辰

徐輝祖

梅殷

謝貴

彭二



馬宣

朱鑑

卜萬

廖鏞

廖銘

孫岳

瞿能

宋忠

附

徐凱 耿璫

遜國名臣

卷五目錄

余瑱

彭聚

孫大

尚百餘人發憤死不可考

莊得

陳質

楚智

張皂旗

不知名

王資

崇剛

王彬

係御史

趙諒

宋瑄

宋晟子

張倫

魯濬

附 馬宣

楊本

倪諒

周拱元

遜國名臣

卷五目錄

三

鐵鉉

附

徐將軍

盛統兵

高僉憲

宋叅軍

張都統

王太守

王府校等

黃觀

附

妻翁夫人并二女家屬十餘人

陳迪

附

蒼頭侯來保

侯太

附

茅卯仔

暴昭

張統

毛太

王純

嚴震直

卓敬

黃魁

盧迥

郭任

遜國名臣

陳植

胡子昭

徐屋

卷五目錄

四

續藏書卷五目錄終

續藏書卷五

遜國名臣記

文皇卽位之歲八月得建文時羣臣封事千餘通命解縉等檢閱凡言兵食事宜者留覽其詞涉干犯者悉焚不問

建文四年十一月都御史陳瑛請治建文諸可惡死事臣

文皇曰彼食其祿自盡其心爾勿問又曰諸臣盡忠

於太祖故盡忠於建文但惡其導誘建文變亂成

法耳

遜國名臣

卷五

記一

永樂十一年正月勅法司解建文諸臣禁令

十四年諭法司好惡齊黃等遠親未挈者悉宥之來

告者勿理

二十一年十一月劄諭禮部尚書呂震盡赦諸死義

家於是稍稍有言建文時事者諸死義家人亦稍復

還廬里

吉水人許穀習禮爲練子寧姻戚爲讐家所持習禮

惶急楊榮爲白於上下欣然曰使練子寧在朕固

當用之况習禮乎

仁宗卽位之歲十一月劄諭禮部尚書呂震曰建文中奸臣正犯悉受顯戮其家屬初發教坊司錦衣衛浣衣局習匠功臣家爲奴今有存者既經大赦並宥爲民給還田土

洪熙元年 仁宗換 長陵碑文稱建文雖追廢猶書其沒曰崩當其在位猶尊之曰朝廷又諭羣臣曰若方孝孺輩皆忠臣詔從寬典於是天下始敢稱孝孺諸死義者爲忠臣云

睿皇復辟之年釋建庶人吳庶人繫令自便

遜國名臣

卷五

記三

吏部侍郎楊守陳曰國可滅史不可滅我 太祖定天下卽命儒臣撰元史靖難後史臣不紀建文事遂使建文數年朝廷政事及當時忠於所事者湮沒不傳及今采輯尚可補國史之缺草奏欲上以病不果南京吏部侍郎儲瓘曰方正學一時諸公必不可泯又曰永樂初節行之士尤見志尚所在某不自揆念其忠於所事嘗欲蒐其遺事稍發其潛

弘治中台人繆恭學古行高晚年走京師上六事其一紀絕屬請封建庶人後爲王奉祀特見懿文太子通

政司官見恭奏大駭罵恭蠻子何爲自速必繫恭兵馬司獄劾上待命賴敬皇明聖詔勿罪放恭還鄉

弘治中給事中金谿吳世忠請表祠方孝孺周是修

今建表忠祠議始于此

練子寧黃子澄鄒瑾魏寃顏伯瑾齊太諸死義者

嘉靖十四年給事中雲南楊傑請表揚建文諸忠臣

下禮部議議未上上因召對禮官問曰昨給事中

言建文諸臣事云何夏言對曰諸臣誤君亂國先朝

誅極豈宜褒錄上色變曰言官得無誚朕言對曰

言官本書生初入仕聞人言建文諸臣死事時甚烈

遜國名臣

卷五

記三

以故輒爲陳說耳一上色霽明日議上亦不罪俱

文皇帝答曹國公李景隆書

覽書知無恙甚喜但詞何其虛誕矯飾而矜高誇大也夫言貴以誠事貴論理誠斯無往不孚理斯無往不服予

太祖高皇帝之子汝

太祖高皇帝之甥至親也吾所爲是非曲直上有

天地有

宗廟神明照鑒之下有羣臣有一國軍民共見之而

至親乃不見不知可乎大抵今日之事爲權奸之

遜國名臣

卷五

書

勢所脅雖

天子尚在其掌握凡是非邪正瞭然明白者皆移易

變置以眩惑之自

天子以下唯其言之聽生殺予奪唯其所惡欲予素

不能諂事權奸故今日必欲見害雖

天子不能不從之爾亦不免爲所驅迫者屈於其勢

而已之力不足也若汝之心彼固不能迫而昏之

也今反覆來書是汝心亦爲所昏乎何其虛誕矯

飾而無誠矜高誇大而無理歟權奸所指予罪凡

六其六事皆予遵承

祖訓而行

皇考之世者何圖今日反以爲罪乎其一謂第二子高煦擅笞驛吏是其過矣而遂指爲父之不軌其亦可以服人心乎其一謂予招納異人術士此尤是茫無聲影凌虛駕誕之說

天地鬼神其可欺乎以此而輒加極惡大罪勢壓威迫將戕其一家權奸所爲毒切如此故自救之計不容已也爾今言息兵固上合

遜國名臣

卷五

畫

天心下合人心矣然當明兵禍實始于誰明其所始而一言以弭之孰不忻願凡事有本有末爲之必自其本庶幾可成今權奸肇兵禍之本也誠欲弭兵必自去權奸始權奸去則

朝廷清明上下之情通斯兵不待言而自弭矣汝不
思此而但盛稱謀臣之精勇士之衆車馬之富強
傲自矜大以爲太山壓雞子之勢此固權奸所恃
以肇禍者而汝亦同之汝亦愚矣夫區區北平一
隅之衆不足以當天下之力三尺童子知其然也

然行師必以忠爲勇以義爲壯有以衆而勝者亦
有恃衆而覆好驕而敗者初不係人之衆寡力之
強弱也况今天下謀臣勇將素受

皇考之恩而今嫉權奸之跋扈憫

宗室之無辜所在有之故臨戰之際倒戈來歸已
數萬人雖却之不納遣之不去助謀効力翕然同
心吾何足以得此哉蓋忠義之心人人所同則汝
所哆然以自矜大者又豈可終恃乎此蓋因汝誇
誣聊爲言之然不足深辯但當推誠以明今日之

遜國名臣

卷五

真

事理夫吾所欲去者權奸臣齊泰黃子澄數輩耳
去之而使綱紀政令一出於

天子朝廷清肅

宗社奠安悉復

皇考之舊卽歸守藩屏永祇臣職非敢萌分毫踰分
之望此吾之誠心也如固匿權奸不去禍本而唯
欲散吾之衆豈獨吾心所不能從將士忠義之憤
其肯從乎懇懇之心唯在如此前嘗兩奏書于朝
數懇中惴悉不賜答此必奸臣慮非已利邀截蔽

匿不以上聞今備錄往汝觀之如汝不惑于權奸之所迫而能篤念我

皇考之大德

宗社之大計以及予至親之誼則以密聞於

朝廷達予之誠於上聽上處之若汝唯知有奸臣不復他念卽無益之書繼今宜絕遂以兵刃見加予亦不得以辭避矣

李贄曰此一封回書足當百萬雄兵猛將矣靖難師聞之磨拳擦掌景隆師聞之閉目搖頭有血性者覽此自知敵裏有人不戰遂屈也此必姚恭靖爲之他人未必能辦

遜國名臣

卷五

書

遜國名臣記序

李贄曰、遜國臣記、首方黃、見遜國之事、所由以成、次張昺、見靖難之師、所由以起、故以此二項人爲卷之一、第二卷、首徐輝祖、首梅殷、是誠遜國之名臣也、若文職其人、最堪托者、則鐵、尚書鉉等、其言皆堪采者、則紀善、周是修、修、誤、王叔英、給事、黃鉞、御史、韓郁、尹、昌隆、叅軍、高巍等、而其中最得力、終始與遜國同難、則有編修程濟、在、故以尚書侍郎、九卿翰林諸文臣、爲第三卷、科道爲第四卷、布按二司、并府縣州佐、雜、遜國名臣、

卷五

序八

流教官、生員、舉人、衛卒等、爲第五卷、有名無官、有官無名、及官名俱泯、恍恍忽忽、莫可推尋、若轉輪藏頂一束書、若四川補鍋匠等、爲第六卷、而以吳亮、狗、餽子、鷺、爲第七卷、終焉、嗚呼、爲臣不易、讀之、真令人心灰矣、姚恭靖所謂讀書種絕、不其然乎、

卷次尋改定

○遜國名臣

○兵部尚書齊公

齊泰，溧水人，初名德，賜名泰。洪武二十年鄉貢，明年舉進士，歷禮兵部主事。三十年陞兵部左侍郎，明年進本部尚書。上嘗召太問邊將姓名，太歷數無遺。又問諸圖籍，太出袖中手冊進簡要詳密。上大奇之。是年閏五月，受顧命輔皇太孫，時諸王皆尊屬，擁重兵，專制地，嫌勢逼，詔諸王臨邸中，毋奔喪。王國所

遜國名臣

卷五

在吏民悉聽。朝廷節制，詔下諸王不說，謂此齊

尚書疎間我也。嘗使北平，賄太太，受歸，請為兵費。

上益倚重太。文皇時自燕邸入臨，至淮安，大言上

急出。勅符勒歸國，又與太常卿黃子澄建策，凡親

王有罪國輒除。建文元年靖難兵起，太專主籌畫，

將出師。上日召學士輩討論周官法度處，便殿弄

詔問外事一付太。太遂移檄指斥削屬籍，或

難太太怒曰：名正言順，敵乃可服。故靖難兵遂以誅

太為名，上疏請發奸臣齊太、黃子澄等，與臣訊究。

太過了

遂而疎矣

此豈飾太平時

陛下卽不發，臣必不休兵，且抵京，赤地千里，時高宗諸王督監諸軍，太以谷王穗漏師，慮遼寧二王近燕，爲變，皆召還。遼王至，寧王竟不至。二年，靖難兵日進，逼淮泗，乃假此何策謫太與澄官，求解兵，遣李景隆致書於燕，謂齊黃屏竄遐荒，可息兵歸藩，不聽。進兵益急，尋召太未及還，金川門開，建文遜去，太追至廣德，欲往他郡起兵，興復，竟被執，見文皇，歿之。從兄弟敬宗等皆歿，叔時、永陽彥等謫戍，兒甫六歲，給配，赦還。今其子孫猶存，故居爲舖舍，人猶稱尚書舖。仁宗

遜國名臣

卷五

爲長陵神功聖德碑，述建文焚崩，喪以天子禮，臣僚非其罪者，咸復之。於是太等宗黨皆得赦，給還田土，且戒天下毋得以奸黨相告。許云：嘉靖中，知縣謝廷蒞爲祠祀太，嘉靖己酉，尚書鄭曉至溧水，造太祠，見其五世孫光裕，卽六歲兒之後也。

李贄曰：齊太等四傑，所謂功之首而罪之魁也。罪之魁，滅建文功之首，聿興我成祖。

太常卿黃公

太常卿黃子澄名湜以字行江西分宜人少受易歐陽貞書周與學春秋梁寅有文行負盛名洪武十七年貢入太學明年進士舉禮部第一授翰林編修陞修撰伴讀東宮累官至太常卿建文爲太孫時坐東角門調子澄曰諸王尊屬擁重兵柰何對曰諸王僅有護兵纔足自守萬一有變以六師臨之誰其能支漢七國非不強卒底亡滅小大強弱之勢不同而順逆之理異也太孫喜每呼子澄黃先生太孫卽

遜國名臣

卷五

三

位倚任子澄調曰先生無忘東角門之言子澄頓首應曰不敢遂出與齊太議劄奪諸王兵權未幾周王得罪建文書諭文皇文皇爲曲解子澄曰燕

周同母兄弟燕王出塞有功威名日盛不併去燕後難圖於是出兵開平諸鎮及更置北平守臣何府中事日急靖難兵遂起及耿炳文諸將相繼敗北

建文召問子澄對曰勝負兵家常事今天下富盛兵強食足區區一隅豈能當天下全力聚兵五十萬四

面並進旦夕且成擒子澄遂薦李景隆爲大將代炳

不知人何以謀國

文景隆尤昏懦忌刻戰輒敗棄其師遁召還京又赦
不誅子澄慟哭曰景隆出師觀望懷二心不亟誅何
以厲將士練子寧亦執景隆於朝且哭且數請誅之
皆不聽江淮諸將連敗子澄拊膺慟哭曰大事去矣
誤薦景隆萬死不足贖誤國之罪靖難兵至淮上
建文不得已逐子澄且密使募兵而以竄齊黃使告
燕文皇曰此緩我也請悉召吳傑平安盛庸師還
卽已金川門失守文皇執子澄責問不服族其家
一子走易姓名田經遇赦家湖廣咸寧正德辛巳進
士黃表其後也

御史大夫練公

練子寧名安以字行新淦人洪武十八年進士父伯尚洪武間爲起居注直言忤旨出爲廣德州同知

臨汀鎮安二府通判子寧初從鄉長者竹庄先生

以水竹居詩有千山暮雨石泉通一夜春雷籜

龍長之句竹庄大異之稍長與金少保幼孜相友善

謂之曰異日子必爲良臣我必爲忠臣洪武甲子領

鄉薦明年廷對言近日朝廷用人徇名而不求實

小善驟進小過輒戮非育才用人之道剴切不顧忌

遜國名臣

卷五

五

諱上親擢第二授翰林修撰未幾丁內艱服闋復

除翰林陞副都御史工部侍郎建文初卽位改吏

部與蹇義爲左右侍郎又改御史大夫李景隆奸邪

懷異志屢敗召還子寧執景隆于朝數其罪請誅之

不聽憤激叩首言此賣國賊臣備員執法不能除奸

請先伏誅靖難兵旣渡淮靖江府直史蕭用道衡府

紀善周是修上書論大計指斥用事者誤國書下廷

臣及兩人議用事者怒詬二人子寧曰事已至此尚

不能容言者乎詬者愧而止文皇卽位縛子寧至

語不遜斷其舌曰吾欲效周公輔成王子寧字子寧手探舌
血大書地上成王安在遂族其家姻戚逮戍邊者百
五十一人越數年吉水錢習禮以未及遂爲鄉人所
持恒懷不安以告楊榮榮乘間以聞文皇欣然曰
使練子寧尚在朕固當用之聖君之言况習禮乎子寧所著詩
文名金川玉屑集正德中江西提學副使李夢陽爲
金川書院祠子寧刊其集行于世

文學博士方公

方孝孺字希直一字希古台州寧海人父克勤國初守濟寧有惠政孝孺自幼精敏絕倫雙眸炯炯日讀書積寸爲文雄邁深醇鄉人呼爲小韓子長從宋濂游宋門下多名士孝孺一旦遂出其上先輩如胡翰蘇伯衡皆自謂弗如也恒以明王道闢異端爲己任

道學家數

故世咸以爲程朱復出洪武十五年以吳沉揭樞薦召見上喜其舉止端整調皇孫曰此莊士當老其才且遣還鄉會仇家得罪詞連孝孺籍其家械送

遜國各臣

卷五

七

闕下上識孝孺名特賜開釋令奉祖母挈妻子還二十五年又以薦召至上曰今非用孝孺時稍擢漢中府學教授孝孺日與諸生講明聖學蜀獻王聞其賢聘爲世子師孝孺每見王必陳說道德講經論文無虛日王甚喜爲名其讀書之廬曰正學一皇太孫卽位廷臣交薦召爲翰林博士進侍講尋陞侍講學士凡將相大政議輒咨孝孺上好讀書每有疑卽召使講解臨朝奏事臣僚面議可否必命孝孺就宸前批答孝孺嘗作書事詩曰斧辰臨軒几硯間春

風和氣滿龍顏細聽天語揮毫久携得香烟兩袖還
又曰風軟彤庭尚薄寒御爐香繞玉欄干黃門忽報
文淵閣天子看書召講官時大召名儒修太祖
實錄及類要諸書孝孺爲總裁比定官制改文學博
士靖難兵起日召謀議詔檄皆出孝孺手建文遜
去文皇以姚廣孝言召用孝孺不肯屈繫獄一日
遣人曉諭再三終不從又召草詔及見悲慟徹殿陛
上降榻勞曰先生無自苦余欲法周公輔成王耳孝
孺曰成王安在文皇曰渠自焚灰孝孺曰成王不

遜國名臣

卷五

八

在何。不立成王之子。文皇曰國賴長君孝孺曰何
不立成王之弟。文皇又曰先生無過勞苦此朕家
事耳置之左右授筆札曰詔天下非先生草不可孝
孺大批數字云云投筆于地又大哭且罵且哭曰灰
卽灰詔不可草文皇大怒命磔諸市孝孺爲絕命
詞曰天降亂離兮批知其由奸臣得計兮謀國用猶
忠臣發憤兮血淚交流以此狗君兮抑又何求嗚呼
哀哉兮庶不我尤時年四十六復一詔收其妻鄭鄭
先自經灰宗族坐灰者八百七十三人孝孺初被薦

時王叔英與書以時措之宜爲言孝孺亦然之及侍
上輒慕古王政希直而在亦當心折即欲見諸行事以故多紛更卒無成
效其文章四方夷裔得一字寶於金璧所著有遜志
齋集四十卷其餘諸書逸不傳洪熙初仁廟嘗謂
羣臣曰若孝孺輩皆忠臣詔奸臣黨與從寬典方
氏遺族始有赦還鄉者因立祠堂祀孝孺成化初遺
文始行或曰錄孝孺家時得魏典史澤周旋藏其幼
子以故孝孺尚有後謝文肅公詩所謂孫枝一葉是
君恩也孝孺歿節後至今百六十年人皆歷歷能言
遜國名臣

卷五

九

雖人人殊其成仁取義之歎靡悔斷然不可泯滅而
同時文學柄用之臣際會功名史有別書以故魏惠
安公澤哀江南詞有曰後來奸佞儒巧言自粉飾扣
頭乞餘生無乃非直筆澤字彥恩應天人爲刑部尚
書謫寧海

李禿翁曰太祖初見孝孺喜其舉止端整曰此
莊士當老其才且勅還家既十年又以薦得召曰
此未是用孝孺時嗚呼我太祖豈但具有天眼
蓋真具正法眼矣然唯太祖乃能用孝孺使孝

孺得用於太祖之時則孝孺便成得一箇好良臣唯用於建文故遂成一忠臣以歿耳嗚呼悲哉雖然才者材也材於春夏則長養材于霜雪則摧殘人但知摧殘之易而不知長養之亦易也我

太祖以神武定天下非不時時招賢納士而一不當則斥一得罪則誅蓋霜雪之用多而摧殘之意亦甚不少建文繼之專一煦以陽春而孝孺輩又爲太祖所留之人材長養成就日致亨通拔茅連茹隨彙並進是以四年之內皆成伏節歿義之

臣耳故曰四方風動夫以孝孺爲之風雖姚恭靖以一好殺之和尚亦深勸文皇帝以勿殺何者一殺孝孺則後來讀書者遂無種也無種則忠義人材豈復更生乎故建文之時歿難之臣若此其盛者以有孝孺風之連茹拔之而建文復以春溫煦之耳然在建文但可謂能長養奇論歿難之人材而不可謂能長養輔弼之人材也使建文果能長養輔弼之人材則何難可歿乎我

一統之大業乎成祖又安能成

張葛湯余四公

張曷澤州人。洪武中舉。入才累官刑部左侍郎。建文卽位。諸大臣言藩王相繼變。告藩國所在。宜簡精強謀略。有威望者爲守。臣彊壓曷出掌北平布政司事。與謝貴並受密命。未幾詔讓。文皇曷貴遂集兵部署守王城。文皇亦稱疾不出。長史葛誠謂曷王無恙。曷不信。張玉朱能請。文皇起兵。文皇曰曷貴已先發。非計擒二人不可。建文元年七月六日會朝廷遣人逮府中官校。文皇盡縛官校。置廷中。召

遂國名臣

卷五

十一

曷貴入與械去。曷以文皇見兵大集。窘不得已。縛府中人獻朝廷。不妄防守。遂懈。二人入。至端禮門內。伏兵起。縛二人。文皇擲杖起立曰。我何病。爲爾輩所迫耳。曷不屈死。屍得還葬。曷初至北平。以吏李友直機警。可寄心腹。令訶府中事。友直輒先事泄。曷謀以故府中得爲備。曷歿。友直遂得爲北平叅議。靖難後。族曷家焚殺。近戚程亨輩疎遠。及里人並成邊。一子得避脫。文皇嘗夢曷被髮爲厲。出焚其尸。面色如生。曷家上滾墳在水南。正德十五年。知州馬汝驥

立祠祀曷汝驥有行誼官至禮部侍郎謚文簡

葛誠未詳何許人爲燕府長史文皇稱病暑月圍
火輒言寒三司官入問疾誠密告曷王非疾以不
得上心故誠又密疏聞上會燕人奏事京師遂執下
獄得密謀踪跡卽發符逮府官校又令貴曷發兵內
應盡簿錄王府人文皇大恨殺誠族其家

湯宗未詳何許人爲北平按察僉事上言北平按察
使陳瑛密受王府金錢有異謀逮瑛謫廣西靖難

後瑛召還院窮治建文諸臣多坐夷滅懷宗亦論成

遜國名臣

卷五

十一

余逢辰字彥章宣城人爲燕府教授陞伴讀靖難
兵未起逢辰頗聞其謀遺書戒其子自分必死起兵
時逢辰泣諫歿之

魏國徐公

魏國公徐輝祖，中山王長子也。初名允恭。太祖賜名輝祖，身長八尺五寸。洪武二十一年，嗣魏國公。二十六年，遣諭北平防胡。明年，練浙江海上兵防倭。二十九年，會禮部翰林院試國子師生，第優劣，移吏部錄用。輝祖常侍懿文太子學，通經書大義。從詹希元學書，善書大字。戊寅閏五月，建文卽位，特見信任。八月，兼太子太傅。靖難兵起，與齊黃盧振、張昺、葛誠通謀，議督諸兵北進。靖難兵至江上，輝祖及開國

遜國名臣

卷五

十三

公常昇分道出師禦戰，將士往往離散，不肯向敵，遂還京。文皇卽位，勒罷尋幽繫，永樂五年卒。年四十。上曰：輝祖與齊太輩罪同，宜論死。朕念中山王平定天下有大功，曲赦輝祖。今病歿，中山王不可無後。令輝祖子嗣魏國公，通給中山王歿後祿。輝祖長子釋迦保見，上賜名欽。中山王四子次添福，次增壽，次膺緒，長女。文皇后次代王妃，次安王妃，增壽素通款于北平。壬午秋，靖難兵入金川門，建文手刃增壽於左順門廡下。永樂二年，贈定國公子景昌。嗣初一

燕王以太祖小祥遣世子及二弟往行禮世子兄弟三人皆魏國公徐輝祖之甥輝祖察高煦異常欲帝留之密奏曰臣觀三甥中獨高煦勇悍無賴自倚騎射非唯不忠抑且叛父他日必爲大患帝以輝祖弟都督增壽與駙馬王寧皆力爲庇護乃遣歸國瀕行高煦竊入輝祖廐中取其良馬馳去

陳建曰齊眉山之戰輝祖帥師援何福斬其蔚州衛千戶李斌等十餘人斌于北軍中最號雄勇於是北兵退走還營掘塹以自固是時南軍再捷北

遜國名臣

卷五

十四

將皆懼議欲旋師朱能獨斥之曰漢高十戰九敗終有天下殿下自起兵以來克捷多矣一挫而歸寧能北面事人邪會京師傳言燕王已歸建文謂京師不可無兵乃召輝祖還何福孤軍無援遂不能禦夫兩敵相持貴進忌退朱能勸進而輝祖召還南北成敗之機決矣

又曰增壽之歿上痛悼不已故卽位首褒封之尋進爵定國公子孫世襲一門兩公與國並世

本朝武弁鮮有其儷

又曰 文皇卽位武臣無一人不歸附唯輝祖不
屈 上親見問輝祖不出一語始終無推戴意
文皇大怒下輝祖于獄法司追取供招輝祖操筆
唯書其父開國功勞子孫免死而已 上雖甚怒
終以元勳國舅欲誅輒止竟從寬典止勒歸私第
革其祿米

王世貞曰當 文皇之起兵而徐公其妃弟也公
舍而恬然趣死一何決也於建文爲純臣於中山
王爲令子矣故 文皇以死全公之志而弗奪其

遜國名臣

卷五

五

爵以報中山王

李禿翁曰徐輝祖獨處嫌疑之地時事之極難者
一心王室不唯建文終始委任在朝諸臣亦真心
信之矣旣見 文皇絕口不開一語唯到法司逼
取供招書中山王功勞子孫免死數字而已彼其
絕無乞憐之意推戴之詞雖死且不復顧又何有
於世祿之隆崇乎吾以爲輝祖可敬也

駙馬都尉梅公

梅殷河南夏邑人汝南侯思祖從子洪武十一年尚
寧國公主爲駙馬都尉恭謹有謀能騎射諸駙馬中
高皇尤愛殷嘗受密命輔建文靖難兵起殷充總兵
官鎮守淮安悉心防禦文皇假道殷割使人耳鼻
口授詞荅文皇曰留汝口與殿下言君父恩義
文皇竟不得道淮安乃渡泗水破盱眙出六合至京
師卽帝位殷尚擁重兵淮上上迫公主招殷公
主嚙指血爲書遣中使達殷殷得書慟哭詢建文

遜國名臣

卷五

十六

所在中使曰去矣殷曰君存與存君亡與亡吾姑忍
俟之乃還京見上上曰駙馬勞苦曰勞而無功永

樂二年冬都御史陳瑛言殷招藏亡命私匿胡人與
女秀才劉氏朋邪呪詛幾得罪明年冬入朝殷仇家
都督譚深指揮趙曦令人擠殷於笕橋下曦誣殷自
投水歿都督許成發其事上怒罪深曦二人對曰
此上命也柰何殺臣上大怒立命力士持金瓜
落二人齒斬之謚殷榮定初公主謂上殺殷牽衣

大哭問駙馬所在上笑曰爲公主踪跡

公主謹護二子順昌景福 上以順昌爲中府都督
景福指揮旗手衛僉事賜手書二甥曰朕不念爾母
爾安得至今日二甥後改孝陵衛指揮使宣德中與
世襲孫純舉進士爲中都副留守或曰公主嘗貽書
阻靖難兵 文皇不荅兵至淮北與公主書言與師
不得已故令遷居太平門外勿懼兵禍公主亦不荅
公主 高皇后長女后二女次適歐陽倫倫犯茶馬
禁死

陳建曰殷有才智 太祖最眷注臨崩皇太孫與殷

遜國名臣

卷五

七

侍側 太祖首囑太孫曰 燕王不可忽次謂殷曰
汝老成忠信可托幼主乃出誓詔及遺詔授之曰敢
有違天者汝其爲朕伐之至是靖難兵漸南逼 建
文乃令召募淮南民兵合軍士號四十萬以殷統臨
淮上扼燕師 燕王遺殷書以進香至金陵爲辭殷
荅曰進香 皇考有禁尊者爲孝不尊者爲不孝

王大怒復書言今興兵以誅君側之惡天命所歸實
非人所能沮殷割使者耳鼻不復報書口授數語曰
留汝口回去說知其詞甚峻

都指揮謝公等二十七人

附存各三人不可考者百餘人

都指揮謝貴未詳始所自起建文卽位兵部尚書齊太薦貴智勇以爲北平都指揮使俾覘藩府令其練兵卽有變先發後聞己卯六月貴部置北平七衛兵布城中逼王城盡柵端禮四門文皇計先擒貴貴死兵盡散

都指揮彭二亦未詳始所自起建文初爲北平都指揮有威名靖難兵起殺謝貴之急跨馬大呼市中集兵得千餘人欲入端禮門文皇遣健卒麗來與丁

遜國名臣

卷五

六

勝格殺二

北平都指揮使馬宣靖難兵起殺張昺謝貴宣巷戰不勝東走薊州起兵西逆戰不利退守薊州出城再戰又敗被執罵不絕口死

北平行都司都指揮朱鑑守大寧靖難兵至諸將陳亨房寬皆降鑑力戰不支被縛罵不絕口死文皇檄中所謂萬段凌遲處死者卽鑑也

大寧大將十萬謀勇自負效死無恨每戰輒先登靖難兵畏萬萬部將陳亨欲降燕畏萬不敢發文皇

貽萬書盛稱萬極詆毀亨緘識牢密召所獲大寧卒
解縛厚賞之置書衣中俾歸密與萬故使同獲卒見
之怪問守者曰彼何爲得此守者曰遣歸通密書于
卜都司卒跪告守者曰我得偕行請惟命無庸賞我
守者爲請得俱遣竟不與賞不得賞者至卽發其事
劉貞陳亨搜卒衣得與萬書遂疑萬執下獄籍其家
其間吳高亦類此未幾亨竟降貞遁遼東大寧相繼
不守矣今寧陽侯者卽亨後也

都督廖鏞巢人祖永忠以開國功封德慶侯父權嗣
遜國名臣 卷五 五

封鏞以適子任散騎舍人歷官至都督靖難後上
以廖侯兩子鏞與銘嘗授學方孝孺令召之孝孺怒
曰汝讀幾年書還不識箇是字兩子復命上怒令
軍校收孝孺孝孺杖衰絰至闕下大哭上益怒令
以刀抉其口兩旁至耳刑之聚寶門外凡七日罵聲
不絕廖兩子拾遺骸葬聚寶門外山上甫畢廖氏亦
見收兩子遂逝去永樂元年四月錦衣鎮撫司奏獲
鏞銘送刑部論歾鏞弟鉞及從父淮安指揮僉事俱
謫戍邊鏞母東甌王長女也并銘女送浣衣局

都督孫岳建文中充鳳陽守將靖難兵起大修戰守器械撤寺材爲戰艦樓櫓戈甲咸有法列寨淮西水陸有備靖難兵竟從下流渡淮至盱眙金川門不守岳猶堅守中都永樂元年法司劾岳逮至京宥死安置海南

都指揮瞿能不知何許人驍勇有名建文卽位從李景隆爲裨將戰敗白溝河諸將皆狼狽走能父子獨力戰死精兵萬餘人皆死或曰能通之子

錦衣衛指揮使宋忠智勇有名洪武二十九年百戶

遜國名臣

卷五

二十

有論死者非其罪也忠疏救百戶御史劾忠上曰

忠率直無隱爲人請命何罪爲并宥百戶戍邊建文

元年三月勅忠以都指揮總邊兵三萬屯開平盡簡

燕府護衛壯士從忠聽忠節制北平有永清左右衛

左調屯彰德右屯順德都督徐凱屯臨清耿獻屯山

海與忠相犄角約北平藩閫張昺謝貴長史葛誠爲

內應文皇殺昺貴誠起兵忠率兵三萬至居庸關

不敢進退保懷來文皇曰宋忠握兵懷來必爭居

庸宜乘其未至擊之遂率精兵八千卷甲倍道趨懷

獲諜言忠謂諸將士家在北平者並爲 燕府誅滅。盡努力復家讐報國恩。文皇急令其家人張故旗幟爲先鋒呼其父兄子弟相問勞家無恙輒喜罵宋都督欺我倒戈走忠倉卒列陣未成。文皇一麾渡河大戰敗奔入城被執歿于謙鎮南衛指揮使靖難後謫戍邊年十六賜歿。

北平都指揮使余瑱與謝貴密謀不遂貴歿瑱走居庸關宋忠承制令瑱守關瑱簡練關卒得數千人將進攻北平。文皇曰居庸險隘北平之咽喉我得此

遜國名臣

卷五

五

可無北顧憂瑱若據此拊我背宜急取緩則增兵繕守後難圖矣令指揮徐安鍾祥千戶徐祥等擊瑱瑱且守且戰援兵不至棄關走懷來依忠忠兵又敗同被執不屈歿。

北平都指揮彭聚與孫太副宋忠守懷來忠敗聚力戰歿當是時諸將校爲靖難兵所俘者百餘人皆不肯降發憤歿太半不可考矣。

都指揮使孫太從宋忠戰懷來先登頗有斬獲靖難兵擇善射者並射太中矢流血被甲慷慨裹血力戰

奮呼陷陣死

都指揮莊得建文初隸宋心麾下懷來之敗。惟一軍獨全。盛庸戰夾河。得力戰助庸。斬譚淵。已而靖難兵勁騎乘暮掩擊。得力戰歿。

江西都指揮使陳質。建文初充叅將守大同。陞中府都督同知。靖難兵出懷來。質以西師助宋忠。忠敗。退守大同。靖難後被執。不屈歿。

都指揮楚智驍將也。從曹國公統騎卒。遇靖難兵。輒奮力戰。夾河之役。被執。不屈死。

遜國名臣

卷五

三

都指揮張皂旗者。不知其名。力挽千斤。每戰。靖難兵輒揮皂旗先登。軍中呼爲皂旗。張轉戰山東。屢有俘馘。至夾河力戰歿。猶執皂旗不仆。北軍皆異之。

指揮王資有膂力。善騎射。靈璧之役。率步卒護軍餉。諸將兵敗。輜重芻糧委棄狼籍。不能獨完。遂被執。遣還京。走鳳陽。從徐知府防禦。靖難後。追罪廢死。

揚州衛世指揮崇剛。靖難兵起。剛練兵繕濬城濠。御史王彬倚任之。兵至。專以城守事屬剛。晝夜不解甲。同列。囊貳心者忌剛。畏彬不敢發。及彬被執。爲徐政

所縛張本又素不喜剛剛亦不屈而歿

指揮趙諒鄂國公外孫其母與孝康皇后兄弟也壯勇知兵建文元年以諒爲留守右衛指揮僉事信任之諒能效職無私交未逾月靖難兵起諒時奉密命往來諸將軍中督察壬午秋常宗人並得罪諒亦坐廢憂懼卒

指揮宋瑄鄆國忠順公晟子也靈璧之戰披甲躍馬先登斬首數級已而諸營兵敗瑄猶格鬪力屈死靖難後晟功名大著封西寧侯卒永樂六年兵部上侯

遜國名臣

卷五

諸子孫名乞嗣封瑄子本晟長孫宜嗣上惡瑄令

瑄弟琥嗣侯琥尚安成公主琥弟瑛尚咸寧公主琥

罪廢瑛嗣侯沒於土木

指揮張倫勇悍負氣常喜觀古忠義事建文元年薊

州衛官起兵攻北平不克死倫聞之發憤合兩衛官

各率其兵南奔結盟報國初從景隆已而從盛庸有

功靖難後死

薊州衛鎮撫曾濬同馬宣守州城靖難兵攻之不能下招之濬不肯出兵力戰兵敗爲張玉所執不屈死

衛鎮撫楊本中卒人。或曰處州人。初爲太學生。精於遁法。建文元年募才略之士。本應募。兵部試授錦衣衛鎮撫。時吳王撫軍觀兵。及登將臺。見大水淼茫。平階。一軍皆不見。本曰。此水遁也。及帥師北向。本常持一鐵棒。重三十斤。臨陣馳突。北軍披靡。不敢前。遂破之。景隆忌本不上其功。已而本約日出戰。諸軍爲後繼。景隆謂諸將曰。今日譬之一園瓜。我輩種得熟。乃被別人採去。邪。竟擁兵不救。本上疏略曰。刑屬三千。罪莫大於不孝。人倫有五德。莫大於盡忠。忘君虐民。

遜國名臣

卷五

三十四

者。不可以不懲。喪師失律者。不可以不罪。今都督袁宇與耿炳文喪軍士二十萬於燕地。皇上憐其爲

太祖故舊。不忍加刑。又曹國公李景隆四月進兵。喪

失兵馬無限。

皇上責問。乃歸罪羣下。乞假臣爲大

總兵。用能官一員。召募義勇。招撫軍伍。凡先鋒叅謀

軍政稽考等官。臣自當保舉。仍特命親王爲監軍。疾

馳燕師。則可免生民於塗炭。奠宗社於泰山矣。本遂

帥孤軍獨出。被擒繫北平獄。後文皇攻濟南失利。

趙王奔還北平。恐人心動搖。索本殺之。文皇大怒。

曰本有才略予且欲用本奈何殺之本頸後無髮力戰有功而爵賞不及

燕山左護衛千戶倪諒上變告府中事府中官旗盡逮詔獄于諒周鐸皆伏誅沒產壯者戍瘴鄉幼者刺離間親王字充錦衣鞍轡局幼軍靖難後諒死之所鎮撫周拱元湖廣沅州人少讀兵書出入辰沅蠻中相交易蠻人信之建文元年應募入京試騎射荅策授錦衣所鎮撫軍前差遣占候輒中主將令引步兵防餉舟靖難後死

遜國名臣

卷五

三五

鐵鉉鄧州人。洪武中國子生。授禮科給事中。調五軍斷事。奏對詳明。上喜。賜字鼎石。藩府坐法。刑官久鞫。不能奏當。上屬鉉立決。上益喜。凡兩法司疑獄。盡屬鉉。未幾陞山東叅政。建文二年。李景隆駐德州。鉉督餉。飛芻挽粟。水陸並進。軍興不乏。五月。靖難兵圍濟南甚急。鉉暨徐將軍盛統兵高僉憲宋叅軍張都統王太守王府校等。悉力防禦。令軍民詐降。開城門。候。文皇入。急下鐵板。幾中。北出戰。令軍士噪。

遜國名臣

卷五

五

罵。文皇窘。大怒。攻至秋七月。不能克。舍之南去。宋

叅軍說鉉曰。濟南天下之中。北兵今南去。其留守北

平者。類老弱。且永平保定。雖叛。諸郡縣堅守者實多。

郭布政輩書生。大叅公能出奇兵。陸行抵真定。南朝

諸將潰逸者。稍稍收合。不數日。可至北平。其間豪傑

有聞義而起者。大叅公便宜署部。號令招徠之。北平

可破也。北平破。北兵回顧家室。必散歸。徐沛間素稱

驍勇。大叅公檄諸守臣。俱集義勇。候北兵歸。合南兵

征進者。晝夜躡之。大叅公館穀北平。休養士馬。迎其

至擊之彼背腹受敵太難且夕平耳。鉉以軍餉盡於
德州城守三月士卒困甚而南將皆驚材無足恃莫
若固守濟南牽北兵使江淮有備北兵不能越淮歸
必道濟吾邀而擊之以逸待勞全勝計也乃設宴天
心水面亭犒問辛苦述賦賡歌激發忠義未幾又有
東昌之捷建文以却敵之賞賞鉉進布政使再陞兵
部尚書叅盛庸軍務賜金幣誥命封三代鉉入謝京
師賜宴饋粟肉小河之捷中原震動文皇欲北還
以諸將言再戰得勝遂長驅渡江鉉感憤欲自裁
遜國名臣

卷五

二十七

文皇登極鉉尚擁殘兵駐淮南已而擒鉉至不肯屈
令一顧終不可得割其耳鼻竟不肯顧劈碎其體至
死罵不絕聲時年三十七子福安戍河池康安先卒
父仲名年八十三母薛安置海南

禮部侍中黃公

黃觀字瀾伯貴池人初從父贅姓許幼穎敏受學充黃皞皞歿節觀益砥礪嘗築翠微書舍讀書洪武三十四年會試禮部第一廷對禦戎策擢進士第二授官翰林復黃姓累陞尚寶卿禮部右侍郎建文中改侍中掌尚寶司事與方齊並見信用文皇索齊黃時觀草詔極其詆斥建文四年觀奉詔募兵上游并督諸郡勤王至安慶聞變觀痛哭謂人曰吾妻翁有志節必不辱招魂葬之江上明日家人奔自京師言遜國名臣

卷五

三

翁夫人與二女同被執有象奴得之翁持釵鋤伴使

闔門忠義千古罕有

出市酒殺遂急携二女率家屬十餘人投通濟門橋下死觀至李陽河既聞建文遜去即朝服東向再拜亦自投羅刹磯湍流之中籍其家逮及姻黨柯暹初爲觀傳秘不肯視人後三十年縣尹清江龔守愚於觀故址立祠祀之今金陵賽工橋側亦有翁夫人暨

二女墓祠

禮部尚書陳公

禮部尚書陳迪字景道宣城人洪武八年薦辟爲郡學訓導嘗爲郡草萬壽賀表上覽而異之十二年

近臣薦召爲翰林編修十八年陞侍講預修大典二十四年陞山東左叅政二十七年內艱二十八年陞雲南右布政使時普定曲靖烏撒烏蒙諸夷煽亂迪率土兵擊破之捷聞賜金幣三十一年建文卽位改官制定六部一品免尚書鄭沂等徵迪爲禮部尚書建文二年知貢舉三年加太子太師辭兼俸靖難

遜國名臣

卷五

三五

兵起與黃子澄等上疏陳大計迪受命督軍儲於外過家未嘗入聞變卽赴京師文皇繼統召迪責問

迪慢罵不屈與子鳳山丹山等六人同日就戮將刑

鳳山呼曰父累我迪叱勿言罵不絕口割鳳山等鼻

舌熬熟食迪迪唾之益指斥遂俱凌遲死旣歿人于

衣帶中得詩有曰三受天王顧命新山河帶礪此

絲綸千秋公論明於日照徹區區不貳心又有五噫

詩並悲烈蒼頭疾來保者拾其遺骸歸葬縣計家橋

洪熙初詔釋迪宗姻戍邊者還鄉給產業成化壬

寅郡人祀諸鄉賢祠甲辰郡守涂觀復于迪故居立
祠祀之後湮廢嘉靖乙未驗封郎中李默謫判寧國
復置祠祀郡人私謚曰靖獻默文學才行表著一時
仕至吏部尚書兼翰林學士丙辰春爲趙文華所誣
逮詔獄卒

李贄曰陳迪蒼頭侯來保當附

遜國名臣

卷五

三

刑部尚書侯公

侯太直隸南和人靖難兵起太督餉山東濟寧不守
輜船陷沒還京建文四年又出淮安總軍餉得便宜
行事 文皇卽位太至高郵與其隸士高茅卯仔同
執下錦衣獄是年七月死弟敬祖子玘皆論死籍其
家幼子京兒永樂九年尚繫錦衣獄

遜國名臣

卷五

五

刑部尚書暴公

刑部尚書暴昭，山西人，爲北平叅政，未幾遷刑部侍郎，充北平採訪使，甫至境，聞變，亟走歸聞。上建文元年，設平燕布政司於真定，陞昭刑部尚書掌司事。平安諸兵敗，召歸京師，靖難兵入，出亡被執，見成祖，抗罵不屈，去齒，截手足，罵不絕口，至斷頸乃已。

遜國名臣

卷五

三

張統字昭季，陝西富平人。父月川，文行知名。統，洪武中舉通經，爲東宮侍書，才識通敏。太子器重統，洪武十二年冬，陞通政司左叅議，試左通政。十五年，雲南平，出爲右叅政，陞辭。上賦詩二章賜統，歷進左布政使。凡土地貢賦法，令條格祠祀公廨上下典禮經費程度，悉統裁定。夷民孚說，遠邇莫安。是時雲南寓賢董倫、王景韓宜可輩，不問識不識，皆厚恤之。以故遷謫至者如歸。二十六年三月，秩滿入覲，治

遜國名臣

卷五

三

行爲天下第一，特令吏部勿考。賜璽書曰：曩者討

平西南夷，命官撫守，爾統實先往任。今五年言出，則諸夷聽服，令布則四野歡忻，皆由誠信相孚，克共乃職。今年來朝，不待考，而朕知其功出乎天下十二牧之首，故嘉汝績，復命爾仍治黔南，汝往欽哉。賜宴及道里費。三十一年，召爲吏部尚書。滇人如失父母，時建文旁求遺逸，日集闕下，率命統試鑑識精絕，各當其材，會修太祖實錄，被旨試翰林編纂官。考第高下，統得楊士奇策喜曰：明達時務，有用之才，不但

文辭之工也。奏第一授王府審理副靖難後召統及戶部尚書王鈿諭曰卿二人久事皇考習知典故

今皆老矣其解職務月給尚書半俸居京師視時政有戾舊制者直告朕無隱統出遂自經吏部後堂死時吏部侍郎毛太亦死太文章政事皆優所交並中朝俊彥靖難兵起數上封事條方略故張統歿太亦歿統嘗爲雲南公廨記曰公廨廣三十七丈袤百丈有奇段氏時稱東府元爲行省皇明底綏萬方以

洪武壬戌戡定雲南就置布政使司屋宇階庭雖有

遜國名臣

卷五

三五

成績較之華夏則規模差陋唯堂與寢其製頗精緻旋榮累節軒翔峻起但歷歲已久柱傾苴漏者屢矣周廡之外儀以重門功緒甚略意精者其舊貫而麤者元之改作也東瑛左右司以下西瑛管勾廳以下屬寺悉附焉統備員以來旋拒烏合之徒內訌而外叛兵旣未休饑疫隨之日不暇給者凡五年歲丙寅始克儲材明年冬撤其堂而新之正六楹楹圍五尺棟九架而衍其前脊高四尋簷殺脊之半以強越二

年再治材且因且革門寢暨經歷司始成其外門兩

廊仍未易也。初令有司計木之數與巨細若戶力之盈胸差而賦之轉致不立期一從其便其興徒也較四州十一縣夫之壯者每一州縣均作三四番每番期十日乍作乍輟不敢妨其務不敢竭其力遷就數踰年而迄未畢工如是乎其艱且滯者何哉蓋兵民之役有征有屯有築有餉其大者如此其小者未可枚舉故不得已爲是迂拙之政誠不忍更促之也竊嘗論之雲南於古爲荒外不治之地山林幽阻民俗草昧各種各部如蜂蟻然無教令等威之制無宮室

遜國名臣

卷五

五

服用器業之資生理旣不足係其心又奇險可以容惡是以樂縱恣而安悖亂苟束之以法而強之以不能彼不信然相噬則缺然而長往矣昔在漢晉雖嘗設官亦卽其要會而領之隋唐間頗置州郡皆不過羈縻而已固未嘗如中國間井其人也元以四夷氣類相近因而撫之爲宜然其弗靖者猶爾也是以志烈之士并不欲草薙而禽獮之顧其勢有所不行亦噤斷久之乃已徐而思之有如耐饑渴習霧露乘高走險殊死而不顧者乃其所長然

機素無節制之可守。雖則易合亦復易離。智者察此。則知所以制之矣。必有人焉。才兼文武而道濟方域。曰德曰威曰廉曰信。兼此四者而事不定。人不安。吾不信也。故當無事則宜佚蕩簡易。寬小過守大綱。如班定遠之言。或有蝨賊則乘其未滋。霆衝電激。指討而中之。以懲其餘。斯亦攻心伐謀之大端。夫如是。良怖急者可床下伏矣。敬告來哲。誠不知所以裁之。洪武二十三年庚午閏四月十有八日。

李贄曰：洪武初年，却有如此好人本。

遜國名臣

卷五

三

王鈍字士魯太康人洪武十年舉秀才授主客主事
後復舉明經授大名通判屢遷福建叅議叅政坐轉
漕不給當罷特宥召遣持節諭撫麓川平緬却贈金
或曰夷且疑貳柰何鈍受之悉輸雲南省藏還陞浙
江左布政使建文初陞戶部尚書靖難兵至鈍踰城
走後召見曰爾向輔建文間朕骨肉今何顏邪鈍頓
首謝命致仕月給尚書半俸永樂元年六月鈍上言
軍令屯種數事皆從之復命往北京山東撫綏軍民
遜國名臣

卷五

三五

經理屯戍二年四月仍浙江布政使與勅致仕卒子
噩官至戶部侍郎

或曰王鈍安得列名臣李禿翁曰卽其受贈金悉
輸省藏一節便可稱大臣特名臣云爾哉受贈金
所以撫夷毋使疑貳輸省藏所以奉公非直爲潔
大臣之道如是而已矣其得與張統嚴震直等同
居六卿之長有以也然張統歿於部堂王鈍不死
文皇亦卒聽受其言而時時用之則張公若不死
亦未必不全身以退也然王公之得全者幸也抑

或有見於張公之既歿遂憐而曲全之耶要之到此時而死後矣不死於靖難兵至之日則當如解縉胡廣楊士奇輩之勸進未有隱忍在列待詰問而後死者非余之樂勸人死也樂其能處死耳當至六卿之長在職又已多年豈解縉諸人居下列者比乎吾謂張公當請老於建文卽位之二年

遜國名臣

卷五

工部尚書嚴公

工部尚書嚴震直，烏程人。洪武五年起家布衣，歷陞工部右侍郎，進尚書。二十六年，鄉民訴其弟姪不法，上付震直訊報，具獄。上以爲不欺，赦其弟姪，已而坐事降。監察御史二十八人陞右都御史，復爲工部尚書。洪武三十年二月，震直上論兩廣鹽法，得行江西安贛。吉臨諸府震直質直勤敏，上數稱之。時賜食，復其家，靖難兵起，震直督餉齊魯間，兵敗爲北兵所縛，置布囊兩，馬夾昇，至北平。建文遜位後，復爲遜國名臣。

卷五

五

工部尚書奉使安南，至雲南，見建文悲愴，不食，吞金而死。

戶部侍郎卓公

戶部侍郎卓敬字惟恭瑞安人七歲時相工曰此兒骨髮殊異必爲名卿惜血不華色耳年十五讀書實香山風雨夜歸迷失道得一兕牛馮之歸比入門乃黑虎也洪武二十一年進士除戶科給事中陞宗人府經歷進戶部侍郎建文初燕王來朝敬密奏曰燕王智慮絕人酷類先帝夫北平者強幹之地金元所由興也宜徙燕南昌以絕禍本夫萌而未動者幾也量時而爲者勢也勢非至勁莫能斷幾非至明莫

遜國名臣

卷五

四

能察建文覽奏大驚翌日語敬曰燕王骨肉至親卿何得及此曰楊廣隋文非父子邪建文默然文皇卽位責敬不奉迎怒欲殺敬而憐其才謂廣孝曰諸奸臣皆欲首先害朕唯敬諫徙封內地若聽其言則于戈息矣廣孝曰不然南昌地居下流金陵加兵特探囊取物耳使敬言誠用陛下豈有今日於是敬遂死敬臨刑從容嘆曰變起宗親略無經畫敬死有餘罪神色凜然經日猶如生夷三族文皇常曰

國家養士三十年唯得一卓敬後四十年劉球傳其

事私謚曰忠貞敬立朝慷慨英偉美丰姿善談論凡
天文地理律曆兵刑皆能究察詩文峭拔磊落所著
文集五十卷百敬愛之靖難初不屈而死

戶部侍郎盧元江仙居人為人疎爽不屑曲謹然
人曾飲然少酒飲酒飲酣輒言飲人或謂其狂既仕
長謫而死聞者非

遜國各臣

卷五

聖

兩好臣皆欲首先害朕唯敬讓封內地君取若
則于戈息矣廣孝曰不然南陽地居下流金陵加
持據襄取物耳使敬言誠用一降下豈有今日公
文兼正十卷則從容嘆曰變起無親略無義敬

天文地理律曆兵刑皆能究察詩文峭拔磊落所著
文集五十卷百敬愛之靖難初不屈而死
事跡蓋曰忠貞敬立朝慷慨英偉美丰姿善談論凡

黃盧郭陳胡徐六公

禮部侍郎黃魁與陳迪黃觀共事魁行古雅有文學
習典禮迪觀皆敬愛之靖難初不屈而歿

戶部侍郎盧迥浙江仙居人爲人疎爽不屑曲謹然
大節皎然少喜飲酒飲酣輒長歌人或謂其狂旣仕
顧折節恭慎靖難後不屈縛就刑長謳而死聞者悲
之或曰盧琪

戶部侍郎郭任丹徒人廉慎有吏才調兵食軍興不
乏靖難兵入金川門任不屈死子經亦坐死少子金

遜國名臣

卷五

聖

山保戍廣西嘉靖中鎮江知府劉儲秀祀之鄉賢祠
兵部侍郎陳植廬江人元舉河南鄉試不仕洪武間
起爲吏部文選司主事歷官兵部侍郎靖難兵至植
受命督師江上有督將密議降者植責以大義督將
恨之遂遇害督將率衆奉迎自陳邀賞文皇立誅
之具棺斂植遣官護喪葬於白石山植宗人大懼皆
變姓名走匿無敢會葬者

刑部侍郎胡子昭字仲常大足人初名志高富經術
性方介從學方孝孺游漢中蜀獻王重子昭贈子昭

詩以明經儒士薦爲榮縣訓導建文初陞翰林檢討
又陞山東按察僉事進刑部左侍郎建文四年九月
死臨刑詩曰兩間正氣歸泉壤一點丹心在帝鄉時
年四十一父復初母郭氏皆年八十餘并其子五人
紹續繼等皆謫戍正德中巡按御史熊相立祠祀之
兵部侍郎徐垕字宗實黃巖人以字行聘授風紀官
垕以草茅愚孱辭授銅陵簿謫淮陰驛丞郡邑士多
所造就召見獎諭屢聘主文衡陞蘇州通判擢兵部
右侍郎靖難兵起奉使招集納浙義勇明年建文遜
遜國名臣

卷五

四三

位去垕家覆没于京師垕義榮侃然杜門終老

善處。

續藏書卷六目錄

遜國名臣

景清

茅大芳

陳性善

胡閏

劉端

王高

鄒瑾

遜國名臣

卷六目錄

彭與明

盧原質

薛崑

廖昇

周是修

王叔英

附 盛希年

王良

董倫

王景

唐愚士

高遜志

張顯宗

附 楊璉 房安 呂昇

樓璉

王達

高巍

宋徵

遜國名臣

卷六目錄

劉伯完

黃鉞

附 楊福

龔太

韓永

陳繼之

戴德葵

韓郁

曾鳳韶

王彬

董鏞

葉希賢

魏冕

甘霖

王度

鄭公智

尹昌隆

巨敬

遜國名臣

卷六目錄

三

王良

程本立

附 沈壽康

胡子義

林嘉猷

鄭居貞

續藏書卷六

遜國名臣

御史大夫景公

景清，陝西真寧人。洪武二十七年，進士第二人，初領鄉薦，遊國學，同舍生有秘書，清請之，不肯與。清固請，請以明日卽還，而書生且往索書。清曰：「吾不知何書，吾不假書于汝。」生忿怒，訟之。祭酒清卽持書往見祭酒，曰：「此清所誦書，卽誦書徹卷，問生不能誦一詞，祭酒叱生退。」清卽以書還生，曰：「吾以子珍秘太甚，

遜國名臣

卷六

一

故相戲耳。清初赴舉時，過宿淳化主家，主家有女，爲妖所憑，是夜清在，而妖不來。女詰之曰：「吾避景秀才清也。」女以告父，父追及清，語之。清書景清在此四字，令歸粘其門。妖遂絕。清試禮部第三，錄詩書二經入翰林，三載改監察御史。三十年春，召見，嘉其才，命署都察院左僉都御史，與實俸出川陝巡察私茶。建文卽位，擢左都御史，改御史大夫。文皇繼統，方孝孺、練子寧等都死，而清獨委蛇待朝人，以其素頗疑之。一日早朝，清緋衣入，先是星者奏文曲犯帝座甚

急 文皇已疑清及朝清獨著緋遂收清得所帶劍
不屈而歿是夕精靈迭見族其家已而時入殿庭爲
厲又命籍其鄉轉相攀染謂之瓜蔓抄村里爲墟

國名臣

卷六

二



...命籍其鄉轉相攀染謂之瓜蔓抄村里爲墟
...命籍其鄉轉相攀染謂之瓜蔓抄村里爲墟
...命籍其鄉轉相攀染謂之瓜蔓抄村里爲墟

都御史茅公

都御史茅大芳，太興人，博學能詩文，少有奇名。或贈之詩曰：陸機此日能爲賦，賈誼何時復著書。洪武中，儒士應辟，典教淮南，考績入朝。高廟召對，悅之，擢秦府長史。勉以董子輔相之業，賜賚甚厚。大芳感激，額其堂曰：希董方孝孺爲記。稱大芳志意偉然，敦大和雅，不亢不諂。建文卽位，擢右副都御史，靖難兵起，遺詩淮南守將梅殷曰：幽燕消息近如何，聞道將軍志不磨。縱有火龍翻地軸，莫教鐵騎過天河。關中

遜國名臣

卷六

三

事業蕭丞相，塞上功勳馬伏波。老我不才無補報，西風一度一悲歌。建文四年八月死，子順童道壽文生，並論死。二孫添孫歸生死獄中，有希董集五卷，行于世。

都御史陳公

陳性善名復初以字行山陰人洪武十八年進士
上見性善凝重謂侍臣曰性善君子人授行人司副
入翰林爲檢討初誠意伯劉基卒命李鐸往取其
遺書基子璉卽出觀象玩占石室中書從鐸詰闕
上之性善善楷書召入便殿繙錄上威嚴進見者
惶汗手顫不成字唯性善動止安雅書法端正上
悅賜性善酒是時威謹叵測性善留竟日家人以爲
歿矣比出大驚喜久之超陞禮部左侍郎荐薛正言

薦賢

遜國名臣

卷六

四

輩雲南布政使韓宜可諫謫籍性善荐起爲副都御
史皇太孫在東宮時熟聞性善名及卽位獨召性
善賜坐問治天下之要性善所言悉從然施行未竟
輒爲有司所更性善請見曰陛下不以臣愚猥承顧
問臣旣僭塵上聽許臣必行未幾輒改所謂爲法自
戾何以信天下靖難兵起改性善爲副都御史監軍
建文四年三月辛巳戰靈璧敗績與彭與明劉伯完
王資皆被執文皇縱之歸性善衣朝服躍入河歿
後加追戮家徙邊已而赦還

大理少卿胡公

胡閨字松友，鄱陽人，博學修行。高皇征陳友諒，至鄱陽，吳芮祠見壁間題竹，幽人無俗懷，寫此蒼龍骨。九天風雨來，飛騰作靈物。高皇問祠中人，此誰詩？對曰：里中儒生胡閨，立召閨見，置帳前。久之，官督府經歷，建文中以直諫知名，遷右補闕，尋進大理少卿。靖難兵起，數與齊黃議軍國事。壬午七月，不屈歿。籍其家，子傳道論歿，傳慶謫戍邊。一女得釋歸，貧甚無倚，鄉人競遺錢穀，曰：此忠臣女也。旬日饒足。嘉靖初，遜國名臣

卷六

五

提學副使邵銳祠之學宮

大理丞劉公王公

大理寺丞劉端，南昌人。建文二年進士，驟遷大理寺丞。靖難後，與同邑王高並坐縱方孝孺。息樹陰，劓鼻而終。高與端同年進士，又與端同官。

右二賢皆是並坐縱方孝孺。息樹陰，劓鼻而終者，又是一樣人也。



又景一新也

白二清書並坐縱方孝孺息樹陰劓鼻而終者
而終高與端同年進士又與端同官

右二賢皆是並坐縱方孝孺息樹陰劓鼻而終者

又與端同官

大理縣志卷六

大理寺丞鄒公

鄒瑾吉安永豐人洪武二十七年遇金華王紳紳稱瑾志篤才敏議論磊落可嘉忠義人也洪武末薦至京建文二年為大理右寺丞靖難後不屈死

邊國名臣

卷六

七



京建文二年為大理右寺丞靖難後不屈死
鄒瑾吉安永豐人洪武二十七年遇金華王紳紳稱瑾志篤才敏議論磊落可嘉忠義人也洪武末薦至

大理寺丞鄒公

大理寺丞彭公

彭與明萬安人貢入太學洪武二十五年授兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擇中朝官知兵有風裁者出江北督察諸將與明爲衆所推遂出淮西至靈璧會何福戰敗爲北兵所執文皇遣歸令傳語中朝士與明慚憤裂冠裳棄官變姓名而隱不知所終

國名臣

卷六

八

彭與明萬安人貢入太學洪武二十五年授兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擇中朝官知兵有風裁者出江北督察諸將與明爲衆所推遂出淮西至靈璧會何福戰敗爲北兵所執文皇遣歸令傳語中朝士與明慚憤裂冠裳棄官變姓名而隱不知所終

彭與明萬安人貢入太學洪武二十五年授兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擇中朝官知兵有風裁者出江北督察諸將與明爲衆所推遂出淮西至靈璧會何福戰敗爲北兵所執文皇遣歸令傳語中朝士與明慚憤裂冠裳棄官變姓名而隱不知所終

彭與明萬安人貢入太學洪武二十五年授兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擇中朝官知兵有風裁者出江北督察諸將與明爲衆所推遂出淮西至靈璧會何福戰敗爲北兵所執文皇遣歸令傳語中朝士與明慚憤裂冠裳棄官變姓名而隱不知所終

彭與明萬安人貢入太學洪武二十五年授兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擇中朝官知兵有風裁者出江北督察諸將與明爲衆所推遂出淮西至靈璧會何福戰敗爲北兵所執文皇遣歸令傳語中朝士與明慚憤裂冠裳棄官變姓名而隱不知所終


彭與明萬安人貢入太學洪武二十五年授兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擇中朝官知兵有風裁者出江北督察諸將與明爲衆所推遂出淮西至靈璧會何福戰敗爲北兵所執文皇遣歸令傳語中朝士與明慚憤裂冠裳棄官變姓名而隱不知所終

彭與明萬安人貢入太學洪武二十五年授兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擇中朝官知兵有風裁者出江北督察諸將與明爲衆所推遂出淮西至靈璧會何福戰敗爲北兵所執文皇遣歸令傳語中朝士與明慚憤裂冠裳棄官變姓名而隱不知所終

大理寺丞彭公

太常少卿盧公

盧原質字希魯浙江寧海人洪武二十一年進士第
三人授翰林編修孝孺遺原質詩曰奉天殿上榜初
開共賀江南得異才好與青蘿居士說今年文運屬
天台二十三年丁外艱賜傳奔喪二十八年陞太
常少卿事建文累有建白靖難後召見不屈歿族其
家



常少卿事建文累有建白靖難後召見不屈歿族其
家
天台二十三年丁外艱賜傳奔喪二十八年陞太
常少卿事建文累有建白靖難後召見不屈歿族其
家
三人授翰林編修孝孺遺原質詩曰奉天殿上榜初
開共賀江南得異才好與青蘿居士說今年文運屬
天台二十三年丁外艱賜傳奔喪二十八年陞太
常少卿事建文累有建白靖難後召見不屈歿族其
家

太常少卿廖公

廖昇湖廣襄陽人不知其所以進學行最知名與方
孝孺王紳輩友善洪武中爲左府斷事上知其賢
二十九年六月擢太常少卿建文元年正月勅修
高廟實錄昇博雅有史才朗達負氣書靖難兵事語
多據實聞忠誠伯等自龍潭還慟哭與家人訣自縊
死都御史陳瑛奏昇與黃觀王叔英周是修王良顏
伯瑋皆不順天命效死建文計其存心與叛逆等並
宜追戮上詔勿問

遜國名臣

卷六

十一

衡府紀善周公

周是修名德以字行江西泰和人少孤力學舉明經
爲霍丘學訓導入見太祖問家居何爲對曰教人
子弟孝弟力田太祖喜擢周府奉祀正逾年從王
北征至黑山還陞紀善建文元年王有過盡逮府吏
詔獄是修以嘗諫勸得免改衡府紀善衡府者建
文之弟當是時衡王猶未之國是修留京預修纂翰
林好荐達知名士陳說國家大計及指斥用事者誤
國用事者怒共挫折之是修屹不爲動靖難師渡江

遜國名臣

卷六

十二

宮中自焚是修留書其家別友人江仲隆解縉胡靖

府學有祠祀公

蕭用道楊士奇付以後事暮入應天府學自經死死

年四十九文皇繼統都御史陳瑛言是修不順天

命請加追戮上曰彼食其祿自盡其心勿問是修

常曰忠臣不以得失爲憂故其言無不直烈女不以

死生爲慮故其行無不果因取先代及近世忠節遺

事輯爲觀感錄朝夕省覽

李禿翁曰周先生猶勝王先生良多

翰林修撰王公

翰林修撰王叔英字原采台州黃巖人洪武二十年薦起爲仙居訓導三十年改海安府學陞漢陽知縣有惠政嘗遇旱虔禱不效遂絕食天大雨復祈晴遂霽建文初方孝孺欲復古井田叔英貽書力阻之曰凡人有才固難能用其才者尤難子房之於漢高能其才者也賈誼之於漢文不能用其才者也方今明良相值千載一時但天下之事固有行于古而亦可行于今者如夏時周冕之類是也亦有行于古而

遜國名臣

卷六

十三

難行于今者如井田封建之類是也可行者行則人之從之也易難行而行則人之從之也難從之易則民樂其利從之難則民受其患此君子之用世貴得時措之宜也召爲翰林修撰靖難兵至淮上建文遣使四出募兵叔英奉詔行至廣德聞上已遜位

卽慟哭會齊泰奔叔英曰泰貳心矣急擒泰至密問之乃相抱哭相語共圖再舉已而知不可爲乃沐浴衣冠書絕命詞藏衣裾間自經于玄妙觀銀杏樹下詞末有千秋史官筆慎勿稱希賢之句又題其案曰

生既久矣未有補于當時歿亦徒然庶無慚于後世

妻金安人繫獄歿二女赴井歿祠山道士盛希年收

葬叔英于本州城西五里之地正統中楊士奇題曰

嗚呼翰林修撰王原来墓士奇叔英所薦起也成化

中州守莆田周瑛封植表識之嘉靖中鄉守益謫為

州判官立祠奉祀太平知縣曾才漢又建忠節祠祀

叔英妻并二女又有貞烈祠在黃淡畧上



...

...

...

...

...

...

...

翰林修撰王公

王良字敬止吉水人建文元年江西發解第一明年舉禮部廷試策最優以貌不揚易胡靖第一良第二李貫第三並授翰林修撰如洪武十八年故事良初聞靖難兵起輒憂不食日羸憊及渡淮閉門涕泣不已訣妻子服毒歿建文哀其忠遣禮部侍中黃觀諭祭永樂初上出建文時羣臣封事千餘通令解縉等編閱留軍馬錢糧數盡焚諸言語干犯者因從容問貫縉等曰爾等宜皆有之衆未對貫獨頓首曰遜國名臣

卷六

十五

臣貫實未嘗有也上曰爾以是爲美邪食其祿思任其事當國家有事時官近侍獨無一言可乎朕非惡夫盡心于建文者惡導誘建文壞法亂政耳爾等前日事彼則忠于彼今日事朕當忠于朕不必曲自遮蔽也後貫遷中允坐累繫獄十年竟歿獄中貫亦吉水人

侍郎學士董公

董倫字安常，恩縣人，僑居宛平。質直，有文學，從游者稱爲貝川先生。國初擢用單縣儒士張寧，寧薦倫。洪武十五年，遣使徵爲右贊善，事懿文太子。十八年，擢左春坊大學士。太子卒，出爲河南左叅政，上封事數千言，又薦肇州吏目諸葛伯衡。上擢伯衡陝西右叅議。三十年，誥誤免官，典教滇南。建文在東宮，憐其老，且遠去，賜白金若干，鑑及卽位，召拜禮部侍郎兼翰林學士。賜御書怡老堂扁，及髹几、玉鳩。

遜國名臣

卷六

十六

杖各一，倫上表謝，畧曰：桓榮設几杖於太常，不聞宸翰之賜，晏殊題舊學于神道，未見几杖之頒。自今將杖以戒，噎則當思四海，或有饑餒之民，憑几以安身，則當念一物，或有顛連之嘆，或曰：此孝孺代筆也。時解縉謫河州衛吏，與倫書祈援，倫左右縉得召還，爲待詔。倫爲人質直敦厚，建文間，屢懇言宜親睦宗人，不聽。靖難後，倫年八十餘，令致仕，出京悒悒成疾。日卒。

董倫、王景皆從雲南謫籍而起，至于六卿長貳。

朝廷侍從左右親密近臣者也。建文真若主矣。今王景不歿，董倫至，勒令致仕，乃悒悒歿。是均之不歿歿也。夫歿豈人所欲哉？然居此地，到此時，安有不歿之理也。建文二年，廷試一榜，胡廣第一，親改名靖，其二王良以貌嫌，似于建文，未爲知己，反烈而歿。如此可敬也。夫若第三名李貫，曷足道哉？今董倫、王景等，吾若擠之，使與李貫等並，則有人品有文學，實亦非其等夷。或曰：此列建文時諸名臣書也，何必以歿爲重乎？若專重歿節，則直曰遜國名臣。

卷六

十七

國忠臣可矣。何以曰遜國名臣也？卓吾子曰：予因惡夫爲李貫者，幾錯會了鄭端簡公一場主意。

侍郎學士王公

王景字景彰松陽人洪武初起家懷遠教諭歷知州
山西叅政謫雲南建文召景爲知縣留與修高廟
實錄母憂去服闋吏部尚書張統爲雲南布政使時
知景薦陞禮部右侍郎兼翰林侍講充總裁官靖難
後進學士時言建文崩上問景葬禮景頓首言宜
用天子禮上從之景博學能文章善書

遜國名臣

卷六

六

翰林侍講唐公

唐愚士名之淳以字行山陰人建文二年勅翰林侍從之臣方孝孺等集數千載經史中事爲一書又命舉優通文學之士孝孺首薦愚士愚士時寓金陵爲李景隆子師立召爲翰林侍讀賜冠帶令與孝孺俱領修書事進講前漢書愚士父肅仕國初應奉翰林文字以故愚士得遍游公卿間宋濂稱其文迥肅謫夙臨濠愚士奉喪歸葬求父遺文雖荒郵敗壁高崖斷石靡不纂錄什襲時時伏讀聲甚淒切聞者遜國名臣

卷六

九

皆掩涕愚士長身巨鼻博聞多識爲文蔚贍尤長于詩翰洪武中數從景隆徧游燕薊秦周所過廢都舊邑名賢古帝遺跡輒爲詩歌論記性喜飲酒酒酣高談傾坐晚得官近侍未幾病病愈復起明年病甚比卒遺言請銘孝孺愚士貧無他宗族喪事數千百緡倚辦景隆孝孺爲聞上詔有司給舟歸葬

少卿學士高公

高遜志字士敏，蕭縣人。元末僑寓嘉興，好問學，嘗侍父宦遊吳中，受業宣城貢師大鄱陽周伯琦，遂昌鄭元佑爲文深純典雅，成一家言。年二十五爲鄞山書院山長，洪武二年徵修元史，入翰林爲編修，累遷侍讀學士。建文時，太常右少卿兼學士。庚辰會試，與董倫爲考試官，所舉士胡靖、吳溥、楊子榮、楊溥、胡濬輩，靖難後皆爲名臣。遜志存沒不可考，是科同預較藝者，右拾遺朱逢吉、編修史官吳勤、葉惠仲、趙友士、徐遜國名臣。

卷六

二

旭張秉燹監試御史王度俞士吉皆一時之選，惟惠仲、王度歿難餘，皆位如故。

國子祭酒張公

張顯宗字明遠汀州寧化人少喪父母黃守志訓教顯宗以文學著名洪武二十四年進士及第二十九年以編修陞太常寺丞賜衣一襲三十年署國子祭酒事建文卽位爲真上便宜數事學政一新壬午正月陞工部右侍郎靖難兵至淮顯宗奉詔起義兵江西募民出粟給軍餉六月還復爲祭酒靖難後江西兵執顯宗及布政使楊璉按察使房安僉事呂昇至南京謫顯宗等戍興州後平交趾起顯宗爲左

遜國名臣

卷六

五

布政使勞來撫戢夷民安附永樂七年卒于官顯宗性行孝友政事敏達時以文學飾吏事會交趾初平人情未定清林知州王賦武寧知州魏思善能奉行顯宗約束皆有惠政並卒于官

翰林侍講樓公

樓璉字士連金華人常從宋濂學洪武中以儒士召
歷官至監察御史謫戍雲南建文嗣位屢下詔求
賢璉以文學舉入翰林爲侍讀靖難兵入命方孝孺
草詔孝孺哭且罵授之筆擲諸地曰身可死詔不可
草改命璉及王景璉惶懼不敢辭歸而憤悶妻子曰
得無傷方先生邪璉愧曰我受刑猶可正恐累及爾
輩耳遂巡一夕自經歿

遜國名臣

卷六

五

侍講學士王公

王達字達善無錫人洪武間爲大同訓導過北平私
上謂成祖成祖喜禮達建文末薦陞國子教職靖
難後姚廣孝又薦達陞翰林編修再陞侍講學士達
謙和恭慎能詩文上嘗問達建文君事對曰建文
君亦可與爲善顧輔導非人耳上終薄達一日達
侍問達十難字達識其八上曰朕更有難字難汝
達懼服銀屑灰上顧憐之命有司歸其喪或曰
達草靖難登極詔或曰草詔者括蒼王景學士也

遜國名臣

卷六

五

叅軍斷事高公

高巍山西遼州人。洪武十五年應貢入太學。十七年以孝行旌。授前軍督府試左斷事。建文卽位。知州王欽應詔辟巍赴銓曹。上書論政事。其一曰。太祖有文王純一之德。皇后有后妃不妬之行。百男君王上齊。三代分茅。胙土先據形勢。陝西百二山河。其人悍勇。西隣土番。故以藩王之長。秦府王之山西。表裏山河。地產良馬。其人剛壯。所謂山西將者是也。北近胡虜。故以晉府王之燕國。雖無名山大川之限。其

遜國名臣

卷六

十五

南冀州真保順平大名諸府所謂桑土之野。地里坦平。肥沃。供賦饒衍。北雖沙漠。不毛。廣蓄馬羊。其人不耕不蠶。皮衣肉食。弓馬是務。遼金殘元。藉之興業。故以燕府王之。四川雖曰西南一隅。山河阻深。玄德諸葛虎視吳魏。故以蜀府王之。其餘楚湘齊交寧遼谷代慶肅星羅碁布。比之古制。雖皆分封。過當。然

太祖聖意。莫不欲護中國。而屏四夷也。今各處親王。故多驕逸。不法。此我皇上所難處也。以臣愚見。若賢如河間東平。則不詔褒賞之。其或驕逸。不法。如淮

南濟北初犯則容之再犯則赦之三犯而不改然後

魏立言果用可無靖難其矣

合親王告

太廟削其地而廢處之豈有不順服者

哉修身齊家宣父明訓睦族和邦帝堯盛德惟皇

上覽察焉建文大奇魏會靖難兵起命從李景隆出

師參贊軍務魏復上書言臣願使燕披忠膽大陳義

禮曉以禍福遂遣往燕魏自稱國朝處士臣某上書

燕國大王其詞云云不報景隆兵敗魏自拔南歸建

文二年五月遇鐵鉉于臨邑相持慟哭共誓效死遂

趨濟南守城拒退靖難兵魏作賦志喜有曰至濟南

遜國名臣

卷六

五

而被圍思張巡之忠堅幸遇知己之鐵相更從英輩

以雲聯若徐將軍之赳赳盛統兵之桓桓僉憲高公

之糾謾大叅宋公之周旋掠陣張都統之能勇給儲

王太守之從權吾道府校之論議斯文王肯構之

勉旃衆資羣策屈力保全盛統兵者盛庸也餘不可

考矣京城破魏縊歿驛舍又有高不危者仕建文時

處義弟宣戍南海衛或曰不危魏字也

李贄曰當時曷不以齊黃之任任高不危以李景

隆之任任鐵相等乎

經歷宋公監副劉公

宗人經歷宋徵不知何許人嘗與盧振謝昇牛景先
數言耿曹諸將失律懷貳心靖難後縛至不屈死并
殺其妻子

欽天監副劉伯完不知何許人洪武時重天官之學
稍通歷象占步風角者咸得衣食于官凡有征討必
選通知天文者從行伯完精於占候又諳回回曆法
起疇人歷官欽天監副靖難兵南下在歷城侯軍中
從何福戰靈璧敗績被獲釋還竟亡去莫知所終

遜國名臣

卷六

三

給事中黃公

禮科給事黃鉞字叔揚常熟人以生員薦除湖廣宜章縣典史建文元年舉湖廣鄉試明年進士授刑科給事中陞戶科左改禮科建文三年外艱方孝孺屏左右問曰北兵日南蕪常鎮京師左輔君吳人朝廷近臣今雖去宜有以教我鉞曰三郡唯鎮江最要害守非其人不可鎮江指揮童俊狡猾不可測蘇州知府姚善忠憤激烈有國士風但仁慈有餘御下太寬此治郡之良才恐不足定亂然國家大勢不在江

遜國名臣

卷六

三七

南戎馬至此而禦之晚矣孝孺因附書于善善得書慟哭靖難兵至江上善受

詔總蘇松常鎮嘉興五郡兵勤王以書招鉞鉞即日營葬訖遂趣善所時童俊果以鎮江降靖難後

詔暴善罪捕善急善麾下許百戶素親善縛善去邀賞鉞聞之慟哭遂絕食閉

目三日求死或告鉞曰善款服已得宥鉞瞠目曰吾知善決無二心且少俟善事定吾死未晚脫善果不

死吾將下報希直遂復稍稍食是年七月十一日善

處報至鉞起登琴川橋西向再拜祀善哭曰君今與

希直同歿國。吾忍獨生乎。祀畢給家人歸祭具。從容
整衣冠奮身入水。歿時北兵四出捕善黨。籍籍言且
併錄鉞家親族。悉驚伏。鉞友人楊福具棺衾。日夜泣
橋側。百方求鉞屍。不得。更數日。屍忽自出。立水中。福
大哭。抱起易衣。體猶不潰。竟成禮葬之。福父滌早奇
鉞。鉞與福共學。福亦有古行。

李喬翁曰。卽此便見楊福古行矣。不必言福亦有
古行也。此何時也。動卽誅歿。見卽鄉縛請賞。至親
皆避匿。恐後福獨哭立水傍。卒以禮從容殯葬。其
遜國名臣 卷六 天

屍此實黃黃。卽一類人。全不以歿爲念者。使方正
學早知而用之。安至今日。觀黃黃門與正學對面
數語。具見才識可以用。

給事中龔公韓公陳公

都給事中龔太字叔安浙江義烏人洪武十九年鄉薦明年入太學吏部策試第一除戶科試給事中建文三年遷都給事中 文皇渡江太與妻傅訣曰事至此我自分死爾第携幼稚歸否則俱溺井無辱俄官中火起太馳赴爲兵校所執見 文皇金川門以非奸籍得釋太自投城以死年三十六子永吉累官兵部右侍郎改南京大理卿致仕

戶科給事中韓永陝西西安人或曰浮山人豐軀美

遜國名臣

卷六

无

髯音吐宏朗每慷慨論兵建文喜之靖難後杜門不出召入見不屈死

戶科給事中陳繼之福建莆田人建文二年進士靖難兵起建白多不遜靖難兵入城遂死父秀母黃氏謫戍甘肅道死子徵仔妻姚氏女進奴京奴没入官弟余朔等悉遠戍

監察御史韓公

韓郁未詳何許人。建文中上書言諸王親則太祖遺體貴則康皇帝手足尊則陛下叔父使二帝在天之靈子孫爲天子而弟與子遭殘戮其心安乎此皆監儒偏見病藩封太重疑慮太深至此夫脣亡齒寒人人自危周王旣廢湘王自焚代府被推而齊臣又告王反矣爲計者必曰兵不舉則禍必加是朝廷執政激之使然燕舉兵兩月矣前後調兵不下五十餘萬而一矢無獲謂之國有謀臣可乎經營

遜國名臣

卷六

三

已久軍興輒乏徒使中原無辜赤子困于轉輸九重之憂方深而出入帷幄與國事者方且洋洋自得彼其勸陛下必削藩國者果何心哉諺曰親者割之不斷疎者續之不堅陛下不察不待十年悔無及矣幸少垂洞鑑釋代王之囚封湘王之墓還周王于京師迎楚蜀爲周公俾其各命世子持書勸燕罷兵守藩宗社幸甚不聽郁未詳其所終

李禿翁曰此或爲補鍋匠或爲河西傭或爲轉輪藏頂之二十餘人嘍嘍有聲者皆未可知也大臣

生事禍國一至此哉絕可悲嘆黃子澄齊太輩雖寸斬亦終不足以謝天下矣

臣

卷六

三



古稱不殺不貸只憐大不其
生事禍國一至此哉絕可悲嘆黃子澄齊太輩雖寸斬亦終不足以謝天下矣

監察御史曾公

曾鳳韶廬陵人洪武末年進士建文初爲御史會番
王入覲馳皇道入且不拜鳳韶侍班言殿上宣展君
臣之禮宮中乃叙叔姪之倫由皇道不拜太不敬

上曰至親勿問靖難兵起鳳韶使北平請罷兵不報
靖難後召復御史不至尋加侍郎召又不至刺血書
襟上曰予生廬陵忠節之鄉素負立朝骨鯁之腸讀
書而登進士第仕宦而至繡衣郎旣一歿之得宜可
以含笑於地下而不愧吾文天祥屬妻李并子公望

遜國名臣

卷六

三

我歿勿易衣遂自殺時年二十九李亦自經歿

上曰至親勿問靖難兵起鳳韶使北平請罷兵不報

靖難後召復御史不至尋加侍郎召又不至刺血書

襟上曰予生廬陵忠節之鄉素負立朝骨鯁之腸讀

書而登進士第仕宦而至繡衣郎旣一歿之得宜可

監察御史王公

御史王彬字文質，兖州東平人。洪武中進士，起家爲御史，巡江淮。靖難兵至，彬與指揮崇剛共守揚州。指揮王禮欲舉城降，彬與剛知之，執禮及其黨繫獄。彬外禦內防，七日不解甲。有力士能舉千斤，彬常以自隨。靖難兵飛書城中，有縛王御史降者，官三品。左右憚力士莫敢縛。禮弟宗厚賂力士，誘其子出會彬。解甲浴，遂爲千戶。徐政、張勝所縛昇至城上，投靖難兵中，不屈。死。政、遂出禮等于獄，與江都知縣張本開。

遜國名臣

卷六

五

城門出降正德中揚州祀彬名宦

董葉魏廿四御史

御史董鏞或作庸不知始所自起亦不知何許人建文時諸御史有志節效忠者時時會鏞所將校懷貳不力戰者輒露章劾之靖難後爲衆所持論歿家徙戍邊

御史葉希賢或曰浙東人或曰起家鄉薦入臺侃侃自負建文時屢疏言兵事又嘗劾耿李二大將失律喪師靖難後坐逆黨歿

御史魏冕吉安永豐人勁直有才氣靖難兵至有約

遜國名臣

卷六

五

開門者冕率同僚十八人卽殿前殿之幾歿會輟朝冕及鄒瑾大呼請速加誅明日宮中火起冕自盡法官請追罪夷其族

御史甘霖懷寧人洪武丁卯鄉薦爲御史剛介敢言中臺推重之靖難後被執求歿從容受戮子孫相戒不復求仕正德中知府胡纘宗祀之鄉賢祠

御史王公鄭公

王度字子中廣東歸善人以明經薦爲山東道監察御史卓有風裁疏十餘上多見采行靖難時李景隆累敗退保濟寧以盛庸代度密陳便宜是以有東昌之捷徵景隆還不誅反用事忌盛庸與度度稍踈斥三年夏靖難兵益急度請募兵未幾遂有小河之捷勅度勞軍徐州比還鳳陽不守方孝孺與度書相誓以死四年秋七月謫戍賀州坐語不遜夷其族年四十七

遜國名臣

卷六

一

鄭公智字叔貞台之寧海人力學好古工文辭方孝孺薦之蜀獻王召至成都王與語經史論詞稅王大悅建文初侍孝孺至京尋舉賢良爲監察御史靖難後方黨論然

御史尹公主事巨公

尹昌隆字彥謙太和人洪武十八年進士授翰林修撰改監察御史建文卽位早朝晏昌隆諫曰太祖高皇帝雞鳴而起昧爽而朝未嘗日出以臨百官百官于是平戒懼今陛下嗣守大業固宜追繩祖武未明求衣乃溺于宴安日刻甚晏猶未臨朝羣臣宿衛疲憊廢業上下懈弛非社稷福也建文曰昌隆言中朕過禮部可卽頒示天下靖難兵旣南昌隆上言今事勢日去而北來章奏每以周公輔成王爲言不遜國名臣

卷六

三七

若罷兵息戰許其入朝彼旣欲申大義于天下不應便相違戾設或有蹉便當讓位不失守藩若沉吟不斷禍至無日進退失據雖欲求爲丹徒布衣不可得矣靖難後昌隆名在奸黨驅出就戮昌隆大呼曰臣曾上書勸讓位奏牘尚在可覆也于是檢奏有之

上曰火燒頭早從此言南北塗靈受禍不若是酷朕亦無此勞苦遂登昌隆歿亡何以爲北平按察知事行戶部主事改禮部尚書

辰喜諂忌昌隆誣昌隆

與谷庶人通謀遂論成沒其家後震病時時呼號乞


解曰尹相尹相妻子問故曰昌隆守欲殺我震竟來
監察御史巨敬平涼人伉直敢言建文中爲戶部主
事靖難後被逮責問不屈死夷其族

位詔召良良集泉司諸印私第躊躇未能決妻問故
曰我分應死未知所以處汝耳妻曰我何難君爲男
子乃爲婦人謀乎遂勸良食置其子池傍自投池歎
長歎妻與自刎薪于子寫遺屬付家人令妾抱幼子
往匿其僉事折遂是

遜國名臣

卷六

三



事散難於姦賊責問不屈死夷其族
監察御史巨敬平涼人於直頗言數文中爲戶部主
事靖難後被逮責問不屈死夷其族

諭曰朕朕朕朕妻于問故曰昌隆守欲殺我震竟來

按察使王公

王良字天性河南祥符人歷官邢部左侍郎建文三年問燕國人罪從未減左遷浙江按察使文皇即位詔召良集臬司諸印私第躊躇未能決妻問故曰我分應死未知所以處汝耳妻曰我何難君爲男子乃爲婦人謀乎遂餽良食置其子池傍自投池死良殮妻畢自列薪于戶寫遺囑付家人令妾抱幼子往匿某僉事所遂舉火闔室自焚死事聞上曰死本良分也朝廷印信良不得輒毀良毀印不得無罪遜國名臣

卷六

三

徙其家于邊台人陳璠私識良死事每談及流涕沾襟正德戊寅浙江按察使梁材提學副使劉瑞改公署東水鑑亭爲祠祀良

李禿翁曰良以問燕人罪從未減被謫則其人已大有學識可任用矣文皇詔召蓋欲用之也良與夫人乃從容以死夫人餽食與良先良而死良殮祭夫人囑遺幼子畢然後死雖建文印信亦不肯留一顆以與文皇嗚呼烈哉

按察副使程公

程本立系出伊川徙崇德與海鹽沈壽康友善洪武九年除秦府引禮舍人十三年補周府引禮官從王之國二十年春進長史從王來朝被累謫雲南馬龍他郎甸長官司吏目留家大梁從一僕去會歿可伐煽誘百夷爲逆本立單騎入夷巢諭以利害諸酋落感說是冬諸夷復變帥藩沐英張統屬本立行縣典兵事且撫且禦本立不避險難山行野宿自楚雄姚安抵大理永昌鶴慶麗江往來綏輯民夷稍安二十

遜國名臣

卷六

四

五年英卒本立爲文祭英宗人重本立請本立撰碑記述英功德三十一年奏計入京應天府尹向寶翰林學士董倫薦本立學行政事宜留徵入翰林充纂修官修太祖實錄建文三年實錄成改江西按察副使未至江西聞靖難兵入自縊歿後百三十年福建布政使吳昂刻其巽隱集于閩壽康洪武庚戌旌表孝子知縣王文禮敬之

本立系出伊川徙崇德與海鹽沈壽康友善洪武九年除秦府引禮舍人十三年補周府引禮官從王之國二十年春進長史從王來朝被累謫雲南馬龍他郎甸長官司吏目留家大梁從一僕去會歿可伐煽誘百夷爲逆本立單騎入夷巢諭以利害諸酋落感說是冬諸夷復變帥藩沐英張統屬本立行縣典兵事且撫且禦本立不避險難山行野宿自楚雄姚安抵大理永昌鶴慶麗江往來綏輯民夷稍安二十

外泰偏動野公

僉事胡公林公

按察僉事胡子義刑部侍郎子昭弟也荐辟爲威遠訓導歷蜀府典寶山東按察僉事聞兄歿辟世丹稜蜀獻王聞而憐之有二子竟棄去莫知所終

按察僉事林嘉猷台之寧海人師同邑王琦琦坐累徙雲南嘉猷徒步千里追別又行六千里至漢中師方孝孺孝孺得嘉猷鄭叔貞喜曰匡我者二子也洪武二十九年以儒士校文四川累遷陝西按察僉事靖難後坐方黨逮至京建文四年九月丁亥歿

叅政鄭公

鄭居貞徽州人洪武中以明經舉授鞏昌通判陞禮部郎中建文時爲河南叅政永樂初坐方黨死于南京方孝孺之爲漢中教授也居貞常以詩送之曰翩翻紫鳳雛羽翮備五彩徘徊千仞翔餘音播江海於焉覽德輝濟濟鏘環佩天門何差喪羣仙久相待晨沐晞朝陽夜息飲沆瀣如何復西飛去去秦關外岐山諒匪遙啄食良自愛終當巢阿閣庶以鳴昭代

續藏書卷六終

遜國名臣

卷六

